

Von den Flößen / so den Edelgesteinen oftmals gantz ähnlich.

Der XX. Tittel.



Vet schaffet aus grobern vnd dickern Säfften vnd feuchtigkeiten (als die subtilen sein/daraus die Edelgestein generirt werden) auch allerley Flöß vnd natürliches Glasse. Wie wir denn in vnserm Vaterlande der schönsten haben / so durchsichtig sein / wie ein Crystall oder Schmelzglas. Item abgeceket als weren sie mit dem Schneidzeugt zubereitet. Derhalben sie den Edelgesteinen allerley Farben / was das ansehen von aussen belanget / gleich sein. vnd hat die natur in denselben / gleich wie in den mancherley Erzen / ihre sonderliche lust mit den schönsten vielen Farben. Dieser / wie gesagt ist / in Meyssen vnd sonderlich in den Bergstedten eine grosse menge. Eins theils nennen es natürlich Glas / denn wenn man eigentlich dauon schreiben will / so weis man nur von den zweyerley Glassen / als natürlichen vnd gemachte. Das natürliche ist wider zweyerley / eins theils so im Feuer steht / vñ das andre / so im Feuer zerschmilzet. Der ersten art ist das beste in den Landen gegen auffgang vnd mittage. Die andre art haben wir bey vns vberflüssig (ob wir gleich die erste auch haben sollen / wie aus dem Tittel von den Gemmis zusehen) vnd sind fürnemlich die Flöße / dauon wir ist ein wenig handeln wollen. Des andern gemachten Glasse da die kunst Gott vnd der Natur nachahmet / vnd wercklich Glas machet / haben wir auch genug / an vnd in den Behmischen Wäldern. Die Flöße so man bey vns in Meyssen vnd in den benachbarten sampt andern Gebirgen bey den Metallgängen / vnd ohne dieselben in eigenen gängen oder sonsten zufinden pflegt / sind eins theils durchsichtig / eins theils nicht.

Flöß oder natürlich Glasse

Zweyerley Glas natürliches vnd gemachte.

Zweyerley natürlich Glas Edelgestein vnd Flöße.

Zweyerley Flöß / eins theils durchsichtig eins theils nicht.

Kristlich vnter den weissen durchsichtigen findet man mancherley vnterscheide / wegen der grosse / länge vnd form. Als damit wir nur ein wenig differentias erzehlen (denn wir vns nicht vnterstehen alle vnd jede vnterscheide vnd arten zubeschreiben) findet man weisse durchsichtige Flöße wie ein Crystall / welche lenglicht vnd sechseckigt. In eins theils sind man oft schöne Berggrauen / welche lustig zusehen. Als zu Schlaackenwalde bricht eine schöne Bergart / die nennen sie ein Spat / ist klar vnd durchsichtig wie ein Crystall / wenn man nicht daneben mit Feuer gesetzt hat / drinn vnd drauff stehen offte fein abgecekte Berggrauen. - Offten stehen solche Zacken an einander auffgericht / wie die Balsamen / oder wie der Stolpische Stein so die Gelerten Basalten nennen. Man findet sie

Do

det sie